



UPA 2017/54  
15.05.17.  
Debora Kleist

**Ilinniagaqartut 16-it 25-illu akornanni ukiullit kalaallisut oqaaseqartut, meeqqat atuarfiannit anillutik ilinniakkamik ingerlatsisinnanerat anguniarlugu, ilinniarfiit sorliit annertuumik aningaasartuuteqarfiungitsumik isersinnaanermut piunasaqaataasa ilinniartitsissutillu ilinniar-tunut nalimmassarneqarnisamat piukkunnaateqarnerannik misissu-nermik UPA 2018-imi saqqummiunneqartussamik Naalackersuisut peqquneqarnissaat pillugu Inatsisartuni aalajangiiffigisassatut siun-nersuut.**

(Inatsisartuni ilaasortaq Mimi Karlsen, Inuit Ataqatigiit)

Inatsisartunut ilaasortap Mimi Karlsenip Inuit Ataqatigiinneersup oqaluuseri-sassamat soqutiginantumut pingaarutilimmullu siunnersuutaanut qujalluta, ima oqaaseqarfigissavarput.

Siunnersuuteqartup eqqaavaa, inuusuttut 16-it 25-illu akornanni ukiullit Meeqqat Atuarfiannit soraarummeernermik kingorna suli ilinniagaqalersimanatil-lu sulilersimangitsut, ilaatsigut oqaatsinik aporfeqarneq tunngaviusartoq. Tamatumalu allanngortinnissaanut suliniuteqarnissaq Inuit Ataqatigiinniit pingaartikkatigut siunnersuuteqartoq isumaqatigilluinnarparput, inuusuttut ka-laallisut oqaasillit ilinniarnissamat periarfissaqarnerulernissaanik anguniaga-qarnissap suliniutigineqarnissaa Pillugu siunnersuuteqarmat.

Ilisimavarput ilinniaqqinnissamat dansket oqaasiinik piunasaqaatip E-imik ka-raktereeqarnissap killiliisinnaanera, tunngaviusinnaasarneralu. Inuusuttata ka-laallisut oqaaseqartut dansket oqaasiinik piginnaasakinnertik pissutigalugu ilin-niarfinnut atorfinnulluunniit periarfissaanik mattunneqan-nginnissaat periarfis-sarsiortuarnissaanut suli annertunerusumik aallussinerusariaqarparpugut.

Eqqortuusinnaanngilarmi inuusuttatta kalaallisut oqaasillit periarfissaasa allaniit ajornerusumik inissimanissaat. Qulakkeertariaqarparput ilinniagaqalernissaanut aammalu suliffeqalernissaanut piukkunnarsarlugit piginnaasaat pikkoriffiilu aal-lavigalugit aqutissiuuneqarnissaanut anguniagaqassalluta. Tamanna inuttut naleqassusermik, inuiaqatigiinnullu iluaqutsissiinermik tamanut misigiffius-sammat.

Ajuusaarnaraluartumik nalunngilarput sumiiffinni inuusuttut suli amerlammata ingerlariaqqissimangitsut. Naak ilaatigut ilinniaqqinnissaminut qinnuteqart-arsimagaluartut, kisialli danskesut piginnaassaata tunngaviulluni ilinniarfinnut isinngitsoortartut. Isumaqarluinnarparput inuttut pisinaasaasa aammalu nam-

mineerlutik qanoq takorluugaqarnerat qulaajaaffigineqarnerisigut, pitsaassumik ersarissumillu angusaqarfiusinnaasoq. Taammaattumik tamanut ilinniarnissamik periarfissiinnissaq anguneqatariaqartoq aammalu ilinniarnernerup ataqatigiisumik aqqissuuneqarluarneratigut periarfissanngortinneqarsinnaasoq.

Isumaqarputtaaq oqaatsit pillugit mattussisoqassanngitsoq periarfissanilli ammaassuisoqartassasoq. Oqaatsit tassaaput ataatsimoorfippot, pingaartitagut, kinaassuseqarnitsinnik paasinnittariaasitsinnullu pingaaruteqarluinnartumik inissisimasuusut.

Ilanngullugulu aamma oqatigissavarput oqaatsitta saniatigut allamiut oqaasiinik pisinnaasaqarneq pingaartitatta ilagimmassuk.

Taamatut maluginiarsimasarput Nunatta naatsorsueqqissaartarfimmiit suliffissaaleqisut allattorsimaffianni 16-niit 17-nik ukiullit sumi qanorlu inissisimanageri iluamik ersissingitsut. Taammaattumik Kommunit suleqatigalugit inuusuttatta 16-niit 17-nik ukiullit ersarinnerusumik suliffissarsiortut iml. allatigut uninga-analersimasut eqqummaariffigineqarnerunissaat malinnaaffiguarneqarnerunis-saallu kaammatuutigerusupparput.

Taamatut oqaaseqarluta siunnersuut taperserlugu Ilinniartitaanermut ataatsimiisitaliami suliareqqitassanngorlugu ingerlateqqipparput.

Qujanaq